

A asociación Columba presenta hoxe en Covas o número 15 da súa revista

REDACCIÓN FERROL


Hoxe ás 20.00 horas terá lugar na Biblioteca Columba de Covas a presentación do número 15 da revista de historia local "Columba", coa presenza do concelleiro de Cultura e Universidade Manuel Reyes García Hurtado, e do presidente da entidade, José López Hermida.

Esta publicación que segue o ronsel das mellores propostas de historia local da comarca (Cátedra, Revista de Neda, etc.) continúa o seu percorrido aumentan-

do o seu centro de interese de Covas ao resto da comarca. Así o contido deste volume vai da historia á toponimia pasando por temas navais, patrimonio natural ou arquitectónico. Os lectores poden atoparse con traballos como "Os seres míticos. Lendas e contos da Terra Extrema", a cargo de Xabier Monteiro Graña, así como "O insólito dalgúns topónimos" e "Un estimulante coloquio sobre Os desherdados", ámbolos dous a cargo do escritor local Henrique Dacosta. Tamén poderán lerse os artigos "Untersee-

boote en nuestras costas", de Mario Valdivieso; "Los cañones de O Medote", de José López Hermida e Yago Abilleira Crespo, ou "Aurora Rodríguez, nai da nena-prodixio Hildegart", a cargo da historiadora Manuela Santalla, entre outros textos.

Ao igual que co resto dos números, "Columba" sae á rúa cunha tirada de 500 exemplares a un prezo de 3 euros. Para as persoas interesadas en facerse con unha desde a asociación de Covas remítenas á Central Librería da rúa Dolores. ■



Cuberta da nova publicación

Guadi Galego canta o sábado en Cedeira o seu novo disco

REDACCIÓN FERROL

A cantante Guadi Galego continúa a súa xira de concertos para presentar o seu segundo disco "Lúas de outubro e agosto" (Fol Música, 2014) e nesta ocasión tócalles actuar na súa propia terra, en Cedeira. A excantante de Berrogüetto estará o sábado ás 20.30 horas no Auditorio de Cedeira. No concerto, con entradas a 5 euros que poden reservarse no número de teléfono 649 876 614, Galego contará coa compañía da guitarra de Guillermo Fernández, o baixo de Paco Charlín e a batería de Isaac Palacín.

A xira da cedeira continuará o próximo 9 de abril en Lugo e o 22 na sala madrileña El Intruso. Ao día seguinte, o 23, actuará nos Concertos de Radio 3. ■

Henrique Dacosta fala mañá da súa última novela, "Entrada ao xardín do saber"

REDACCIÓN FERROL

O salón de actos da Sociedade Galega de Historia Natural, na porta de Canido, acolle mañá ás 20.00 horas un acto de presentación do libro de Henrique Dacosta "Entrada ao xardín do saber". O evento, organizado pola asociación cultural Muíño do Vento de Canido, contará coa presenza do editor Miguel Toval.

O volume mestura realidade e ficción para falar de Hildegart, Aurora Rodríguez Carballeira e o escritor Vicente Risco. ■

Amplíase o prazo de inscrición no certame de piano xuvenil da SAF

REDACCIÓN FERROL

A SAF vén de ampliar o prazo de inscrición para o seu Premio Xuvenil de Piano Gregorio Baudot ata o 9 de abril. As persoas interesadas deben remitir a documentación pertinente para participar no Apartado 339, 15480, de Ferrol. A competición celebrárase o próximo mes na sede de Afundación. ■

1492. Cristóbal Colón descobre América

R é outra historia

anticípate ti tamén con R

internet 100 megas
teléfono con chamadas a fixos e móbiles
televisión HD con series, películas e rebobina



42 € / mes

IVE
incluído

12 facturas ou con móbilR

oferta válida dende o 01/03/2015 ata o 30/04/2015 · combo 100 series sen cota as dúas primeiras facturas, resto ata completar 12 facturas ao mesmo prezo que con móbilR · prezo final con móbilR 42€/mes (IVE incl.), sen móbilR 58€/mes (IVE incl.) · límite por chamada de 60 minutos, os excesos 19 cent/min (IVE incl.) · os consumos factúranse segundo as tarifas viventes · prezos indicados para comunicacións interpersoais, a fixos e móbiles, en territorio nacional e uso vinculado á finalidade do servizo descrita nas condicións xerais de contratación · tarifas aplicables salvo erro tipográfico, nese caso prevalecerán as tarifas comunicadas oficialmente e que poden ser consultadas en tarifas.mundo-r.com · detalle das tarifas e

R
1445
mundo-r.com